



excommunicationem, quae contra tales gubernatores fulminatur de
Judaeis et Sarracenis: Ita quorundam animos etc.

O certe res flenda et multis lachrimis Christo conquerenda,
quod crucis inimici crucis cultores advocant contra crucis adora-
tores, et crucis professores praestant auxilium, ut crucis blasphe-
matores ad crucis abnegationem ducant crucis veneratores! O quam
mala societas, quam odibilis amicitia, quam detestabilis confoede-
ratio, quam abominabilis conjuratio et intolerabilis colligatio! O
Cretenses, bene poeta et veraciter nominat vos malas bestias, qui
Christo Domino oves suas, quas sanguine proprio redemit, aufertis
easque lupis, leonibus, pardis, canibus lacerandas, mactandas
exhibetis! Concurrите quaeſo omnes christiani populi et magno
zelo accensi illam injustissimam Christianorum et Turcorum socie-
tatem dissolvite, amicitiam inficite, confoederationem irritate, con-
jurationem cassate, consilium dissipate, conventionem disjungite,
ligam rumpite sicque simul omnes Christi baptismate renovati
praedam illam eripite et in sinum Christi oves innocentes redu-
cere studete.

Quintum detestabile est, cujus saepe in antedictis memini,
odiosa diversitas Latinorum et Graecorum, qui simul bono corde
numquam cohabitant. Saepe conati sunt antiqui patres in genera-
libus conciliis, synodis et congregationibus, Graecos Latinis unire,
sed nihil profecerunt, quin potius aversi Graeci totam Orientem
ab obedientia romanae ecclesiae averterunt. Et profecto dicere
audeo, et dictum probabile censeo, quod Sarraceni Aegyptum, Ara-
biam, Palaestinam, Judaeam, Syriam, Mesopotamiam, et Turci
Ciliciam, Capadociam, Pamphiliam, Cariam et totam Minorem
Asiam, Macedoniam et totam paene Graeciam et totam Africam,
et Europae magnam partem nequaquam possiderent, si Graecorum
odium in Latinos et superbia contra ecclesiam romanam non fuisset.
Insuper omnes orientales Christianos, Armenos, Nubianos, Abisi-
nos, Georgicos, Jacobitos, Nestorianos, Maronitos, Graeci ipsi
corruperunt et ab ecclesiae romanae adhaerentia averterunt et
hodie avertere non desistunt. Ego aestimo, omnia praelia Chri-
stianorum contra Turcos, Sarracenos, Barbaros et Tartaros esse
cassa et vana, nisi Graeci prius radicitus cum sua secta fuerint
extermīnati. Sancta mater ecclesia pia et misericors Graecorum
contumaciae et superbiae locum dans, eos tolerare cum suis ri-

297

295

301

291

306

286

346

246

396

196

Ende

Anfang